



Broj: 04-04-4-1405/21
Sarajevo, 31. 5. 2021. godine

**SAOPĆENJE O ZAVRŠENIM FINANSIJSKIM REVIZIJAMA
KORISNIKA BUDŽETA FBIH (OBAVEZNE REVIZIJE)
ZA 2020. GODINU**

Ured za reviziju institucija u FBIH izvršio je finansijsku reviziju 19 korisnika Budžeta FBIH, koje obuhvataju Parlament FBIH, Predsjednika i dva potpredsjednika FBIH, Vladu FBIH i 16 ministarstava. Ove revizije predstavljaju obavezne godišnje revizije, sa rokom završetka od 90 dana od dana podnošenja godišnjih izvještaja. Ukupno izvršenje budžeta ovih institucija iznosi 2.128.659.982 KM, što je u odnosu na prethodnu godinu veće za cca 190 miliona KM.

Izvještaji o finansijskim revizijama dostavljeni su revidiranim subjektima, Parlamentu Federacije Bosne i Hercegovine, Vladi Federacije Bosne i Hercegovine, predsjedniku Federacije Bosne i Hercegovine i Federalnom ministarstvu finansija, te su objavljeni na internet-stranici Ureda za reviziju: www.vrifbih.ba.

Finansijska revizija obuhvatila je reviziju finansijskih izvještaja, kao i reviziju usklađenosti aktivnosti, finansijskih transakcija i informacija iskazanih u finansijskim izvještajima sa zakonima i propisima. U izvještajima finansijske revizije za finansijske izvještaje dato je 18 mišljenja bez kvalifikacije (pozitivna) i 1 mišljenje s rezervom, a za usklađenost sa zakonima i drugim propisima data su 4 mišljenja bez kvalifikacije (pozitivna) i 15 mišljenja s rezervom.

S ciljem otklanjanja utvrđenih nepravilnosti, te jačanja sistema internih kontrola i finansijskog upravljanja, dato je 270 preporuka, što je za 37 manje u odnosu na prethodnu godinu.

Praćenjem datih preporuka iz 2019. godine utvrđeno je da je 41% potpuno i djelimično realizovano, 52% je nerealizovano i 7% je ocijenjeno kao neprovodivo.

Iako je utvrđen napredak u određenim oblastima, većina nepravilnosti odnosi se na **neusklađenost poslovanja sa zakonima i drugim propisima**, od kojih su najznačajniji:

- **Registar budžetskih korisnika nije uspostavljen u skladu s važećom zakonskom regulativom**, što je uticalo na planiranje i realizaciju budžetskih sredstava za rad Parlamenta FBIH, Predsjednika i dva potpredsjednika FBIH i kazneno-popravnih zavoda u FBIH;
- **nedovoljne aktivnosti na uspostavi interne revizije** kao jednog od elemenata koji, s finansijskim upravljanjem i kontrolom i Centralnom harmonizacijskom jedinicom, čini sistem javnih internih finansijskih kontrola, i koji treba osigurati razumno uvjerenje da se u poslovanju korisnika javnih sredstava osiguralo zakonito, transparentno, ekonomično, efikasno i efektivno upravljanje javnim sredstvima;
- **netransparentnu raspodjelu i neadekvatan nadzor nad namjenskim utroškom tekućih transfera**, koji predstavljaju izvršena nepovratna davanja fizičkim i pravnim licima, udruženjima i nižim nivoima vlasti za tekuće svrhe. Dio transfera je dodijeljen korisnicima bez primjene kriterija koji su usvojeni odlukama Vlade FBIH ili primjenom kriterija koji nisu mjerljivi, zbog čega nije osigurana transparentnost prilikom bodovanja i odabira korisnika. Nije vršen adekvatan nadzor nad namjenskim utroškom realizovanih transfera, kako bi se osiguralo namjensko raspolaganje nepovratnim budžetskim sredstvima;
- **naknade zaposlenicima za rad u komisijama**, na koje nisu obračunati pripadajući porezi i doprinosi u skladu sa važećim propisima.

U izvještajima za četiri ministarstva skrenuta je pažnja na Uredbu o interventnim mjerama za podršku ugroženim sektorima privrede FBiH u okolnostima pandemije COVID-19, s obzirom na to da su bila nadležna za dodjelu sredstava u ukupnom iznosu od 90 miliona KM.


- Jedan od općih i posebnih ciljeva Uredbe je očuvanje radnih mjesta, a kriterij za dodjelu sredstava je broj zaposlenih na 30. 9. 2020. godine. U izvještajima je konstatovano da su sredstva dobili korisnici kod kojih je od početka proglašenja stanja nesreće do navedenog datuma **već došlo do značajnog smanjenja broja zaposlenih**, što Uredba nije predvidjela. Dakle, Uredbom nije zadovoljen opći cilj *očuvanje radnih mjesta*, s obzirom na to da su pojedini korisnici u prethodnom periodu već smanjili broj zaposlenih, a uprkos tome dobili značajna sredstva. Usvojenim mjerama nisu bile obuhvaćene djelatnosti kojima je, naredbama Kriznog štaba FBiH, bio ograničen ili zabranjen rad. Ukupno dodijeljena sredstva na osnovu Uredbe iznose **88.181.457 KM**.

U prilogu saopćenja nalazi se pregled revidiranih subjekata, datih mišljenja i broja preporuka. U skladu s Planom revizije za 2020/2021, preostali izvještaji finansijske revizije bit će sukcesivno objavljeni po okončanju.



PRILOZI

1. Pregled datih mišljenja korisnicima Budžeta FBiH za 2020. godinu



Red. br.	Korisnici Budžeta FBiH	Dato mišljenje za	
		finansijske izvještaje	usklađenost
1.	Parlament Federacije BiH	Pozitivno	S rezervom
2.	Predsjednik i dva potpredsjednika FBiH	Pozitivno	S rezervom
3.	Vlada Federacije BiH	Pozitivno	S rezervom
4.	Federalno ministarstvo unutrašnjih poslova	Pozitivno	Pozitivno
5.	Federalno ministarstvo pravde	Pozitivno	S rezervom
6.	Federalno ministarstvo finansija	Pozitivno	S rezervom
7.	Federalno ministarstvo energije, rudarstva i industrije	Pozitivno	S rezervom
8.	Federalno ministarstvo prometa i komunikacija	Pozitivno	S rezervom
9.	Federalno ministarstvo zdravstva	Pozitivno	S rezervom
10.	Federalno ministarstvo trgovine	Pozitivno	Pozitivno
11.	Federalno ministarstvo prostornog uređenja	Pozitivno	S rezervom
12.	Federalno ministarstvo poljoprivrede, vodoprivrede i šumarstva	Pozitivno	S rezervom
13.	Federalno ministarstvo za pitanja boraca i invalida odbrambeno-oslobodilačkog rata	Pozitivno	S rezervom
14.	Federalno ministarstvo razvoja, poduzetništva i obrta	Pozitivno	Pozitivno
15.	Federalno ministarstvo rada i socijalne politike	Pozitivno	S rezervom
16.	Federalno ministarstvo kulture i sporta	S rezervom	S rezervom
17.	Federalno ministarstvo raseljenih osoba i izbjeglica	Pozitivno	Pozitivno
18.	Federalno ministarstvo obrazovanja i nauke	Pozitivno	S rezervom
19.	Federalno ministarstvo okoliša i turizma	Pozitivno	S rezervom

2. Broj datih preporuka za 2020. i 2019. godinu korisnicima Budžeta FBiH

Red. br.	Subjekt revizije	Broj datih preporuka za 2020. godinu	Broj datih preporuka za 2019. godinu
1	Parlament FBiH	18	22
2	Predsjednik i dva potpredsjednika FBiH	11	14
3	Vlada FBiH	10	17
4	Federalno ministarstvo unutrašnjih poslova	7	12
5	Federalno ministarstvo pravde	18	13
6	Federalno ministarstvo finansija	39	37
7	Federalno ministarstvo energije, rudarstva i industrije	9	15
8	Federalno ministarstvo prometa i komunikacija	11	15
9	Federalno ministarstvo zdravstva	18	17
10	Federalno ministarstvo trgovine	9	7
11	Federalno ministarstvo prostornog uređenja	12	13
12	Federalno ministarstvo poljoprivrede, vod. i šumarstva	9	13
13	Federalno ministarstvo za pitanja boraca i inv. odbr.-osl. rata	18	24
14	Federalno ministarstvo razvoja, poduzetništva i obrta	7	11
15	Federalno ministarstvo rada i socijalne politike	16	24
16	Federalno ministarstvo kulture i sporta	20	21
17	Federalno ministarstvo raseljenih osoba i izbjeglica	11	10
18	Federalno ministarstvo obrazovanja i nauke	14	8
19	Federalno ministarstvo okoliša i turizma	13	14
	UKUPNO	270	307